

## INISIATIF KREATIF PELAJAR KTDI MENCARI PELAPIS KEBUDAYAAN

Oleh: Ainur Dayana Abdul Wahab & Mohamad Iqwan Roslanni



**Serdang, 14 Januari – 13 Jun** – Majlis Perwakilan Kolej, Sekretariat Kebudayaan, Kesenian dan Perpaduan, Kolej Tun Dr Ismail, Sesi 2020/2021, Universiti Putra Malaysia (UPM) telah memperlihat situasi pandemik COVID-19 yang sedang melanda ini sebagai satu peluang untuk menganjurkan Pertandingan Mingguan bagi mencari pelapis – pelapis baharu dalam aktiviti kebudayaan dan kesenian interkolej disamping mencungkil bakat – bakat terpendam dalam diri pelajar.

Pertandingan mingguan ini merangkumi pelbagai pertandingan dari pelbagai aspek kesenian seperti nyanyian, tarian, poster, instrumen, tatarias serta lakonan. Peserta akan mendaftarkan diri melalui laman *Google Form* yang disediakan dan memuat naik karya ke pautan yang telah disediakan untuk ahli jawatankuasa pertandingan mengakses dan menilai karya mereka.

Pengarah program, Nur Husnina berkata program ini sangat membantu dalam mencungkil bakat baharu dalam kalangan pelajar Kolej Tun Dr. Ismail (KTDI) serta meningkatkan keyakinan diri pelajar KTDI agar sentiasa bersemangat ketika berhadapan dengan orang ramai walaupun dalam pandemik.

“Pertandingan Mingguan ini bukan sahaja salah satu langkah untuk mencungkil bakat-bakat baharu, ia juga merupakan inisiatif sekretariat unuk menjadi mangkin dalam meningkatkan keyakinan diri mereka dalam aktiviti kesenian” katanya



*Video Tarian Moden Nur Husniyah*



*Video Nyanyian Fong Ying Jie*

“Walaupun hanya dapat menari dari rumah, tetapi saya rasa gembira dapat mempersembahkan dan melihat bakat rakan-rakan kolej yang lain” ujar Nur Husniyah Ghazali pemenang pertandingan Video Tarian Moden Minggu 2.

Pertandingan yang dianjurkan oleh pihak sekretariat sudah jelas memberikan banyak kesan positif kepada para peserta selain daripada dapat mengasah dan mencungkil bakat mereka, pertandingan yang berunsurkan kesenian yang dianjurkan turut memberikan kesan positif terhadap kesihatan mental mereka.



### Pemenang Poster Hari Raya serta Pengumuman Pemenang

Para pemenang untuk setiap pertandingan turut diraikan dengan video atau karya mereka dipaparkan melalui laman *Instagram* sekretariat, hal ini dapat meningkatkan lagi semangat mereka untuk menyertai lebih banyak pertandingan yang berunsurkan kesenian pada masa kelak.

Para Ketua Unit sekretariat turut berasa bahawa pertandingan seperti ini harus dianjurkan lebih kerap agar ramai lagi warga KTDI akan dapat menunjukkan bakat-bakat terpendam mereka.

“Pertandingan Mingguan ini adalah suatu inisiatif yang amat baik untuk mengetengahkan bakat-bakat warga KTDI selain daripada cemerlang dalam bidang akademik, pelajar dapat menunjukkan bakat-bakat terpendam mereka” kata Nur Haedzerafina, Ketua Unit Tarian, Sekretariat Kebudayaan, Kesenian dan Perpaduan KTDI.

Oleh itu, tercapailah objektif Pertandingan Mingguan yang dianjurkan Sekretariat Kebudayaan, Kesenian dan Perpaduan, KTDI ini yang ingin melahirkan serta mengungkapkan bakat-bakat baru warga KTDI meskipun terdapat banyak kekangan akibat pandemik COVID-19 namun bak kata pepatah, hendak seribu daya tak hendak seribu dalih.